

Manipur maipui mairong gasu raithubou thiujju Imphal gasu Umling La(Ladakh) katang bike gasu Riliu, Gerinda Loitongbam tad lu mideh
page 2

National Youth Parliament 2023 ga Liangmai pui Riliu, Sharon Zeliang hai Nagaland State tu represent thiu khai mineh
page 2



Zengtung 11 Kanahiu 2023, Nidwannai- Office Gaililong, Tamei. PO-Tamei, Tml. Dist. Manipur Vol.II. Issue 11 page 1

Kasabo Maning Suangra Palun Kasabo niu wi-nkiu -e.

Chami niu Chaky 4 Churachandpur ga ru mineh
Ccpur, Kanah.8:



Machanai wangchak 12:30pm kumbo ning ga Tuibong, churachandpur ga chami toupad jiu chaky 4 ru mideh. Ajam thiuniu bora doumakgeh chiuwe. Chami si rent thiujju pikhai bam bo chaky ga su Electric short Circuit kamjiu toupad bamneh chiu-e. Ingocha khatdi Davi suongdinglien si Rent pijiu sibo kyga bam bo-e.

Churachandpur gu Sp Shrivand surve niu papum siak chamii toupad bo khaiga mengjiu chami toupad bo lamga investigation kam bam mineh.

Chami niu ru masa mibo si paman rangkang rk 1 core kumbo we chiu-e. siga Churachandpur gu Eagle Club niu chamii toupad bo gasu chariubo doumi mai leng nkha khaimibiye.


170 trillion kumbo plastic bottle haisi Duipui ga bam mineh



Tuhoi kadipira ga bam bo duipui ga plastics parit 2 million tones kumjiu rit mibo, 170 trillion kumbo plastic kia si niu duipui kam chaba jiu bam mideh chiujiu phiupad bam me.

source, India Today.

PM Modi Khatdi Australia Gu Prime minister Anthony Albanese npou khai mideh



New Delhi, kanah 10:

Prime Minister Narendra Modi khatdi Australia gu Prime Minister Anthony Albanese niu masannai kanahiu 10, 2023 bonai New Delhi Hyderabad House ga adoujiu namdi kania kak ga chali chala thiubo, defence lam, minerals lam khatdi tamtambo lam wi san khangra arongjiu npou khaimideh. Siga PM Modiji niu Australia ga Temples attack kambo lam gadi Albanese khuga dintoukhaiboga, Australia gu PM Albanese niu India mai Australia ga lungbam maidung tu pagu priority thiujju kaka khaijiu akhi khaira dinpad khai mideh.

PM Modi khatdi Albanese niu Indo-Pacific Maritime gu security lam di Khangnia Kakga wisan khangra makhiam khaimibo we. sigasu India-Australia Comprehensive Economic Cooperation Agreement lamgadi majatbo lung ra kasuibo si kamkhaimira suikhaimideh. India Khatdi Australia haidi kadipira withubo team thiura cricket field ga di karenjiu bam bo-e, chiujiu Albanese niu dinpad khai-e. kajannai nsun MODiji Khatdi Albanese niu Ahmedabad ga India nai Australia gu fourth Test match haisidi fuikhai-e. Albanese niu India mai nai Australia kak ga lungbo lunglun lam, lungbo thiak ga khat di security lam chakak wiji u bam ni ye chiujiu dinpad khai-e.

Anthony Albanese niu Australia gu Prime Minister ndakum karamhiu ga phunglubosai nthai nai niu India ga wangrai thubowe.

Nepal gu pasumbo president Ram chandra Poudel niu phung mineh
Katmandu, kanah 9.

Nepal congress party gasu Ram chandra Poudel tu kanahiu 9 bonai Nepal gu president leng kadah khai mideh. Poudel niu nepal parliament lawmakers dung gu vote 214 khatdi provincial assembly members dung gu vote 352 doulu -e. Nepal gu Presidential election leng voter masing si 882 ye, parliament members dung gu 332 khatdi Wangdi chania (7 provinces) gu provincial assemblies members sinu 550 chiubo we. Chamai provincial assembly members dung 518 khatdi 313 parliament members dung niu president election ga paliu gu vote si thinkhai e, chiujiu Election commission gu spokesperson Shaligram niu din neh. “Nepal niu 2008 ga republic country thiulubo sai Thainai mien niu malun sumbo (3rd) President bam kada bo tadkiubo e.

Drug taliupad bo bam kam masa mideh



IMPHAL, Kanah 9:

Drug kataliu pad bo bam Yairipok Changamdabi, Imphal east ga kajannai nsun kam masa mideh, siga khatdi chamai khangnia tu drugs joujiu minlu mideh.

Kajannai nsun Thoubal District Police niu Majimakbo drugs si Yairipok Changamdabi Mayai leikei ga nbaikhaibo gu champao silujiu, Thoubal police khatdi Women police tu O Wangkhomba, MPS additional SP(Ops) khatdi Inspector K Nitaranjan Singh OC/CDO Thoubal niu majanglujiu senior Superintendent fof Police thoubal Jogeshchandra Haobijam IPS gu supervision gasu shaimibo Md Suyeb Ali nahpiu Khulakpam Abdul Ali, raghu chiujiu di kubo takum 32 tu minludeh khatdi paki gasu drugs di keng jiu minludeh.

Siga kamaniu bo pot si Heroin No 4 leng malum masabo pamo 906gm, suspected opium 936gm, malummasabo Ammonium Chloride 279gm khatdi brown sugar 5gm dung minlubowe.

Haibo kamaniubo chapot si (late) Md Angou nahpiu Khuleibam Muhamuddin, khatdi Ibocha bbo piu nai panahpiu Md Naaman khuleibam niu panai ky gasu taliupadbo we. chiujiu police dungniu Ibocha kyga wangbog panahpiu Md Naaman khuleibam sira paklumideh chiudi Khuleibam Muhamuddin tu pagu drugs taliubo mania dung joujiu milumideh.

Minlubomibo Khulakpam Abdul Ali khatdi Khuleibam Muhamuddin tu drugs joujiu Andro police Station ga pikhai mideh.

Naliu lungchun ringajiu bamlo, naliu magenthui chariuboga ginsilo.
ROMEMAI 12:12

Liangmai Orthography

1.4. DIPHTHONG Siugiak nia aruang lu khon khat patbo tu Diphthong chiu kuwe. Lianglad ga Monophthong Vowel suang Diphthong niu kengnge. Aliu lad ga Diphthong tachat phiu padle, viz. /ei/, /ai/, /oi/, /ui/, /iu/, /ao/, /ua/, and /ia/. Paliu gu Minimal Pairs sai: kié-torn. kai-to fall. koi-bend, not straight kúi-circular. kiu- extra. kao-stumble. kúa-to step on something. kia- 'a piece of somethings

1.5. TRIPHTHONG Siugiak sum aruang lu khon khat patbo tu triphthong chiu kuwe. Lianglad ga triphthong khat bamme, e.g. /iao/. Chiudi haibo Triphthong haisi nam kasia ga Diphthong -io leng lukhaibo di bamme. akiao 'a jungle fowl similar to chicken' madioa 'smooth' makhiao 'itchy'

Chalad N-buong

Makhiten: Ngoumakbo bamga wa bai khai bambo tu "makhiten" chiu dinbam niu-e

Mathen Cham



Munich, kanah 9.

Bayern niu 2-0 ga PSG tu ngam khaimideh

"Champion league Round of 16 gu 2nd leg Bayern Munich nai Paris saint's German mathenbo ga Choupo-Moting niu 61st minutes khatdi kasan siin ngutbo Serge Gnabry niu 89th minute ga Bayern leng Gaol chan jiu Bayern munich niu Kylian Mbappe nai Leonel Messi joubam bo team PSG tu 2-0 (aggregate 3-0) ga ngam jiu Champion League Quarter final ga gut mideh. "Quarter final gu draw si kanahhiu 17 bonai kam ra ye.

>A Newmai Saloon Tamei bazar ga aliu gu paper dao lu ne.

>Agiwangliu Grocery Store ga aliu gu paper dao lu ne

>T-Daimai Hardware store ga aliu gu paper dao lune

>Maipui Shenky shop no.3 stationary ga aliu gu paper dao lune

Manipur National Youth Parliament 2023 ga Liangmai gasu raithubou thiujui Impthal gasu Umling La(Ladakh) katang bike gasu Riliu, Gerinda Loitongbam tad lu mideh

Impthal, Kanah.10

Maipui mai khat thiujui achun, arang thiujui iniu kam nibo maksai iniu machun bosu kam raleng maning khai boga achun tamiu jiu bam niu ye. chiu di eniu thainai meen tad khai mibo pui lon si maipui mai lung khang lan kin mai tu challenge thiujui nibo alung chun ga phui ye. idi kam tang lu bam sai naliu desuan ralo thiujui Gerinda niu din ye.

i nating gasu apiu bike thou kin bo ngou lujiu idi nai khat ra bike thou lujiu iniu machun bo bam tad tang ne chiu bam bo hai thai nai i kam tang lu mineh.

nkiu jiu Ladakh lam apiu niu tad khai ni ye chiu bam niu bosu i panapui niu thainai apiu chun ning tad tang lu ye. agu puilong ga atu madiu bo keng bam meh, chiudi alung wadi nkin mimak jiu iniu tad ra bo bam lam achun khai jiu tad tang lu boyeh thiujui panu din ye.

New Delhi, Kanah.4

Manu, Ngouning Zeliang nahpui Riliu, Sharon Zeliang niu Nagaland state tu represent thiujui, National Youth Parliament ga tad khai mineh. pahai Samziuram gasu yeh. tuhoi ST. Xavier College Jalukie ga BA 6th Semester kati kin ne.



Tamei, Kanah.8

"innovation and Technology for Gender Equality" ladpui hang gasu International Women's day 2023 hai Liangnah School, Tamei niu manid khai mideh.

Office Of The

Liangmai Naga Council, Manipur

Head Office: Namrainig
Tamei Hq.-795125

Branch office: Namdilong
Kanglatongbi-795136

Ruangdi gu Madui leng kukhaibo

THE COUNCIL ASSEMBLY

Tamei, the 6th March, 2023

Liangmai Naga Council Manipur lamsu chunwibo Takum Kasan mathiu tu judou khai ye.

Khatdi Liangmai mathiu tu LNC (M) Ruangdi gu Aruang 2022 Madui bamra leng pisikhai ye. Siniu Liangmai nam hina gasu Village Authority Chairman khatdi Secretary, LNC (M) Former leaders, kasi-kangou mai, LNC Zonal leaders, Youth Wings, Organisation of the Council, LNKR, LPNR, LLS, LACA, LSA, LET khatdi Liangmai leng maning chakung chalungsa mai hina madui ga jonwang khaisiak ra leng kahumjiu kukhai ye.

Madui Bam : Chiang/Langmei, Tamei Sub-Division.

Jengtung niu : 04/04/2023 (Tuesday)

Pawan sai : 10:15 am sharp.

Mathiu ngam ga,
(NK. HUBIBOU)

Speaker, Assembly Affair, LNC

Ariak Katiujui bambo Ariaknahmai dung nai papui-paiu maidung niu sikhai mak kasabo.

India ga ndakum gasu sujiu CUET exam haisi tadkiuhou jiu bam mideh.

CUET hai ndelo?

Common University Entrance Test (CUET) haisi National Testing Agency (NTA) niu takum machang khai bo exam tuweh.

CUET gu pageng:

CUET haisi ariaknah dungni colleges nai University ga admission doura leng exam tamsinjiu khai boh exam me. CUET gu certificate hamisai admission haisi phanglu lakbo wang misuneh.

CUET-UG&CUET-PG:

CUET haisi pachat nia bam me: CUET-UG & CUET-PG. CUET-UG haisi ariak pachen XII loilujuu college ga Graduation katira leng kadenbo ga exam tharaye. Haibo certificate thinjiu BA, BSc, B.Com gu admission ga pageng bam me. CUET-PG haisi Masters latira Admission thiubo wan ga pageng bam me. Haibo certificate hamisai admission di phanglulakbo bam mide.

Dekumbo wanga exam khairalo?

Class XII fgu exam khailoimisai CUET-UG leng apply thiura ye. Khatdi Graduation loimisai Master leng CUET-PG haisi apply thiura ye. Exam gu pawan ra NTA niu Pawan Pwan ga dinpad suneh.

CUET haisi deumbo ariak ky niu khoilo?

India ga kabam bo central university, state university, Government colleges hina niu tadkiujui bam me. Khatdi Private universities nai colleges kakeng niu di majaijiu bam mideh.

Ariak aktiboh haisi kungbi bi khangmideh. pajan leng ronna katiboh sira watheng makjiu hawang misune. Ariaknah dungdi akliwangbo situ majaijiu kaden lura pagen bam mide.

Dijinbou Abonmai PHD Scholar .

Gaililong-Khumanlampak ga aliu gu paper hai dou lu ne